

ომარ გვეტაძე

ქველ ქართულ მწერლობაში, თავისი იდეურ-მხატვრული მიზანდასახულობით, სახოტბო-საკარო პოეზიას განსაკუთრებული მნიშვნელობა ენიჭება. შეა საუკუნეების ქართულ ლიტერატურაში, შეიძლება ითქვას, ეს უანრი საერო მწერლობის წარმოშობისთანავე დამკვიდრდა და სათავე დაუდო იმ მსოფლებლებით მიმართულებას, რომელიც შემდეგ კიდევ უფრო დაიხვეწა და განვითარდა — ეს იყო ეროვნული იდეოლოგიის გამოკვეთა და ქართველ მეფეთა მოღვაწეობის მესიანისტური თვალთანედვით გააზრება, პოეტიკის სფეროში წარმოებული ძიებანი და ა.შ.

“ქართველი მეფეები თავიანთ კარზე იწვევდნენ გამოჩენილ ისტორიკოსებს,
მწიგნობრებს, პოეტებს. კარის მწიგნობარი, კარის პოეტი მეფის სამსახურში
იმყოფებოდა, მის მოვალეობას შეადგენდა საკარო ცხოვრების ლამაზ ფერებში
დახატვა, მეფისა და მისი კარის სახელის გათქმა, საზეიმო შეკრებებზე ლექსების
კითხვა... საკარო პოეტურ ნაწარმოებებს ჩვეულებრივ აზის ოფიციალურ-
საზეიმო განწყობის ბეჭედი: მისთვის დამახასიათებელია განსაკუთრებული
ენაწყლიანობა, მაღალფარდოვანი სტილი” (ქლი, 1996, გვ. 88).

XIII საუკუნისა და მომდევნო ხანიდან, სამეფო ძალაუფლების
დაქვეითებასთან ერთად, სახოტბო უანრმა ნაწილობრივ დაკარგა თავისი
აქტუალურობა. ხოტბა-ოდის უანრი არ გამოიყენება როგორც აუცილებელი
ატრიბუტი, მაგრამ თითქმის ყველა პოეტი მეტ-ნაკლები ისტატობით მიმართავს
ამ უანრს (ფ. ფანჩულიძე, 2003, გვ. 32).

საერო მწერლობის ეს უანრი აღმრინების ხანის მწერლობაში ერთგვარად
გამოცოცხლდა. როგორც აღნიშნავენ, XVIII საუკუნის მეორე ნახევარში
განსაკუთრებით ფრთა შეისხა სახოტბო პოეზიამ. ამ პერიოდის ღვების უანრში
გამოვლინდა ძველი ქართულისათვის დამახასიათებელი კონსტრუქციები და
ფორმები, შითოლოგიურ პერსონაჟებთან შედარებების სიუხვე, აბსტრაქტული
მსჯელობები, რთულისტურობა, ხელოვნურად შექმნილი ზმნები და ა.შ. (მ.
გოგიჩაიშვილი, 1976, გვ. 277).

ქართული საკარო-სახოტბო პოეზია არ აღმოცენებულა წინარე
ლიტერატურული ტრადიციების გარეშე. ქართული ჰიმნოგრაფიის ზეგავლენის
კვალი საერო პოეზიაზე, გერ კიდევ მ. ჭანაშვილმა მიუთითა (მ. ჭანაშვილი,
1976, გვ. 51). ამ კუთხით საინტერესო და ანგარიშგასაწევი მოსაზრებები
გამოთქვა პროფ. გ. იმედაშვილმა. მისი დაკვირვებით, ძველ ქართულ სახოტბო
პოეზიას მეტ-ნაკლებად სასულიერო ჰიმნების მსგავსი აგებულება აქვს. მანვე
მიუთითა სასულიერო და საერო პოეზიის ლექსიკურ-ფრაზეოლოგიურ
თანხვედრასა და არქიტექტონიკული აგებულების მსგავსებაზე და ა.შ. (გ.
იმედაშვილი, 1959). დიდია, აგრეთვე, ნიკო მარის მეცნიერული წვლილი ქართული
სახოტბო პოეზიის პოეტიკის თავისებურებათა კვლევის საქმეში (ნ. მარი,
1907) ალასანიშვილია. აფრიკოვე. პროფ. იუ ლოლაშვილის ვამოცვლევა “ძველი

ქართველი მეხოლტბენი”, ორ ნაწილად, რომლებშიც, ხელნაწერთა ტექსტების შედარება-დადგენასთან ერთად, გადმოცემულია თითოეული ტაქტის შინაარისი, გარკვეულია მრავალი ისტორიულ-ფილოლოგიური საკითხი (ივ. ლოლაშვილი, 1964).

XII საუკუნიდან ჩვენამდე მოღწეულია სახოტბო პოეზიის ორი მნიშვნელოვანი ძეგლი: ჩახრუხაძის “თამარიანი” და ითანე შავთელის “აბდულმესიანი”. ამ ორი თხზულების შესწავლა დღესაც გრძელდება და მკვლევართა ზოგიერთი მოსაზრება კვლავ დავისა და შეჯელობის სავანია, როგორიცაა, მაგალითად, პლაგიატის საკითხი და სხვა (კ. კეკელიძე, 1957, გვ. 10). ორთავე სახოტბო ლექსთა თემა ძირითადად ერთი და იგივეა — თამარისა და დავით სოსლანის ქება, თუმცა, როგორც კ. კეკელიძე აღნიშნავს “თამარიანთან” შედარებით, “აბდულმესია” მეტად რთული თხზულებაა და გასაგებადაც ძნელი (კ. კეკელიძე, 1957, გვ. 57). ისევე, როგორც “აბდულმესიანის” ავტორი, “თამარიანის” ავტორიც პოეტი-მოაზროვნება, რომელსაც გულწრფელად უყვარს თავისი ქვეყანა, თაყვანისცემის გრძნობას უცხოველებს ქვეყნის მესაჭეთა ადამიანური და სახელმწიფოებრივი ღიღბუნებოვანება (ალ. ბარამიძე, 1952, გვ. 246).

ღროთა განმავლობაში ეპოქებით დაშორებული და გარკვეულ სოციალურ-პოლიტიკურ და კულტურულ გარემოში შემქნილი ნაწარმოები შეიძლება დღევანდელობის გადასახედიდან შინაარსობლივად გაბუნდოვანდეს, გაუგებარი დარჩეს ტექსტის მხატვრულ-ესორტიკური სამოსელი. ამის გამოძახილია დიდი ილია ჭავჭავაძის ცნობილი მოსაზრება “თამარიანისა” და მისი ავტორის შესახებ: “ზევნში, ქართველებში, დიდი მწერლის ხმა აქვს დაგდებული ჩახრუხაძესა, მაგრამ არა თუ დიდი, პატარაც არ ბრძანდება ის სულურთხეული... რის ვაი-ვაგლაბით და კისრის მტვრევით მოგორავს დავარღნილ ცხენსავით მისი ოცმარცვლოვანი ტყვიასავით მძიმე ლექსები... არც ჭეულა, არც სული, არაფრისთანა არაფერი, გარდა ზედშესრულების რახა-რუხისა” (ი. ჭავჭავაძე, 1985, გვ., 7-8).

ეს დამოკიდებულება, სხვადასხვანაირი ელფერით, დღესაც ცოცლობს; ამიტომ, გვინდა კიდევ ერთხელ გავამახვილოთ ყურადღება ოდების შექმნის მიზანზე და მივანიშნოთ იმ მხატვრულ სპეციციონიკასა და განსახოვნების ზოგიერთ საშუალებაზე, რომლებიც სწორ მიმართულებებს მისცემს თანამედროვე მყითხველს სახოტბო პოეზიის ტექსტის აღსაქმელად. ქართულ მეცნიერებაში საკმაოდ კარგადაა გარკვეული ამ ორი პოეტის დაწერის თარიღები, პერსონაჟთა ვინაობა, ცალკეული ოდების, სიტყვებისა და გამონათქვამების მნიშვნელობა, მითოლოგიურ, ანტიკურ სამყაროს ჩამოყალიბების თანხვედრა და ა.შ.

ჭერ კიდევ ალ. ბარამიძე წერდა, რომ სახოტბო ოდებს ვერ განვიხილავთ როგორც ვიწროდ გაგებულ სახოტბო-პანეგირიულ პოემებს, რომელთა დანიშნულება იქნებოდა საკარო წრეების მხატვრული გემოვნების დაკმაყოფილება (ალ. ბარამიძე, 1952, გვ. 248).

სახოტბო ოდებში ჰიპერბოლიზებული შედარებების, მეტაფორების, ომნიმებისა და მაჯამური რითმების ფეირვერკში ალარ ჩანს რეალური ადამიანის სახე, პერსონაჟის შინაგანი სამყარო. კარის პოეტი შეუძლებლის შეძლებას ცდილობს — თამარზე ისე უნდა ისაუბროს, როგორც ღმერთზე (ვ. როდონაია, 1988, გვ. 443) (გავიხსენოთ IV ჰიპოსტასის იდეა). მან უნდა წარმოაჩინოს ‘ქართული სახელმწიფოს მესანისტური მიზანდასახულობა და ჭრილი უნდა შეგასრიას შეატერულ სიტყვაში. აშიტოშაც გარეგნული

“გულო აბა მო, დაუსაბამო,
თამარ ვთქვა ნათლად და ზედა მისად,
ზეებრ სავანე, სულის სავანე,
თან გამწყოდ ძისა, სწორად შამისა”.

ქართველი მეხოტბების თხზულებათა პოეტიკის განმაპირობებელ თავისებურებათა წარმოსაჩენად ღიღი მნიშვნელობა აქვს, აგრეთვე, მათ თანამედროვე სპარსულ საკარო პოეზიას. ჯერ კიდევ ნ. მარი აღნიშნავდა: “გარეგანი სახე თითოეული ლექსისა და შინაარსიც მოგვაგონებს “ყასიდებს” სპარსული მწერლობისას (ნ. მარი, 1935, გვ. 268).

XII საუკუნეში განვითარებულმა პოლიტიკურმა და ეკონომიკურმა მღვმარეობაში ხელი შეუწყო აზერბაიჯანის ერთ-ერთი სამთავროს, შირვანის დაწინაურებას. შირვანის ლიტერატურულმა სკოლამ, რომელსაც სათავეში ედგა “პოეტთა მეფე”, იმ დროისათვის ღიღ წარმატებას მიაღწია. პოეტური ოსტატობის გამოვლენისათვის ყველაზე ხელსაყრელი ფორმა აღმოჩნდა ოდის კანრი - ყასიდა. პირიქით, ზოგ შემთხვევაში, შირვანელი პოეტების შემოქმედებაში არის ქართული თემატიკის ანარეკლიც. ამ მხრივ გამოიჩინება ხაყანი შირვანელი. ყასიდა, თავისი სპეციფიკური ნიშნების წყალობით, ყველაზე მეტ შესაძლებლობას იძლეოდა პოეტური ოსტატობის გამოსავლინებლად (ალ. გვახარია, 1964, გვ. 112).

ყასიდასათვის დამახასიათებელია შინაგანი რითმები, როცა ერთი ბეითის ფარგლებში გვაქვს სამი შინაგანი რითმა, რაც ვირტუოზული პოეტური ტექნიკის შთაბეჭდილებას ქმნის. სამმაგი შინაგანი რითმებით წერდნენ ფელექი შირვანელი, ხაყანი და სხვები. სამმაგი შინაგანი რითმა გვხვდება ქართველ მეხოტბებთან — შავთელსა და ჩახრუხაძესთან, თუმცა მათთავ უმთავრესია ორმაგი შინაგანი რითმა. ასევე, აღნიშნავენ ჩახრუხაულის საზომის ანალოგიას XII საუკუნის არაბი მწერლის ჰარირის “ზაკამებთან”. აშკარა ხდება საოცარი იდენტობა არაბული და ქართული ლექსისა ამ კუთხით (გ. წერეთელი). სალექსო ფორმა “ძაგნაკორული” სამმაგი შინაგანი რითმითაა დაწერილი.

მაგალითად, “აბდულმესია”:

ზესკნელს ქვესკნელით და გარესკნელით
უკანასკნელით უფსკრულთ სადარი”...
ასაფიცარი ასა-ფიცარი
დამამტკიცარი წინასწარისად”.

“თამარიანი”:

“იგი ვარდ გული, იგი ვარდ-გული,
ხე ედემს ჩვეული, ნაშენებარე”.

ოდების შექმნის დროს ხაყანი ფართოდ იყენებს “ნასიბს” ანუ შესავალს. შესავალში, არაბული ყასიდისაგან განსხვავებით, არ არის უკვე უდაბნოში მოგზაურობა და ბედუინებსათვის დამახასიათებელი ცხოვრების წესის გამომხატველი ატრიბუტები. სამაგიეროდ, სპარსულ ოდაში ღიღი ყურადღება ეთმობა ლირიკული განწყობილებისა და პეიზაჟის გაღმოცემას (ნ. ჯიშეარიანი, 1980, გვ. 21).

განსხვავებულია “ნასიბი” ანუ შესავალი ქართველი მეხოტბების ოდებში. აქ გვხვდება ორი მიმართულება: ღმერთისაღმი თხოვნა-მიმართვა და მიმართვა ფილოსოფისებისადმი, რომლებსაც უკეთესად შეეძლოთ ქება მეფე-პატრონებისა. იმ ვითარებას, რომ ბუნების სურათი, პეიზაჟი არ გვხვდება შავთელსა და ჩახრუხაძესთან, მცკლეული ნ. ჯიშეარიანი ჰიმნოგრაფიული პოეზიის ძლიერ გავლენას უკავშირებს (ნ. ჯიშეარიანი, 1980, გვ. 22).

ოდების ძირითადი ნაწილი, ანუ “შადში” კი, ქართველი და შირვანელი მეხოტებებისათვის ერთი და ივივეა. ამასთან, საერთოა გამოყენებული ჰიპერბოლიზებული ოლწერები და პერსონაჟთა დახასიათებები. ნ. ჭიშკარიანშა გაარკვია, აგრეთვე, რომ ქართულ ხოტებს არა აქვთ სპარსული პოეზიისათვის დამახასიათებელი დასასრული, ანუ “თალამი”.

ზემოთ ნაჩვენები ლიტერატურული შეხვედრებისა თუ განსხვავებათა მომენტები ხაზს უსვამს იმ გარემოებას, რომ ქართულმა სახოტბო პოეზიამ გაიარა ორიგინალური, ეროვნული ცნობიერების ნიშნით აღმეტდილი გზა, რომლის ნათელი დადასტურებაა “წყობილი სიტყვის მაღალი კულტურით აღმეტდილი” (შ. კარბელაშვილი, 2002, გვ. 8) ძეგლები — “თამარიანი” და “აბდულმესიანი”.

დამოწმებული ლიტერატურა

- ალ. ბარამიძე, 1952** - ალ. ბარამიძე, ნარკვევები ქართული ლიტერატურის ისტორიიდან, III, თბ., 1952.
- ზ. გამსახურდა, 1991** - ზ. გამსახურდა, ვეფხისტყოფნის სახისტესტუკულება, თბ., 1991.
- ალ. გვახარია, 1964** - ალ. გვახარია, შინაგანი რითომის ისტორიიდან, წიგნში: ძველი ქართული მწერლობის საკითხები, კრებული II. თბ., 1964.
- გ. გოგიანაშვილი, 1976** - გ. გოგიანაშვილი, XVIII საუკუნის სახოტბო პოეზიის ისტორიიდან, წიგნში: ძველი ქართულ მწერლობისა და რუსთველოლოგის საკითხები, VII-VIII, თბ., 1976.
- ბ. დარჩია, 2009** - ბ. დარჩია, იაკობ შემოქმედელი, თბ., 2009.
- გ. იმედაშვილი, 1959** - გ. იმედაშვილი, ქართული კლასიკური საგალობლის პოეტიკის საკითხები, ლიტერატურული ძიებანი, ტ. XII, 1959.
- გ. კარბელაშვილი, 2001** - გ. კარბელაშვილი, “ისტორიანი და აზმანი შარავანდელთანი”: XII საუკუნის საქართველოს “ოქროს ხანის” იდეოლოგია და მისი თეოლოგიურ-ფილოსოფიური საფუძვლები (შასალები ქართული პოლიტიკური აზროვნების ისტორიისათვის), ლიტერატურული ძიებანი, #21. თბ., 2001.
- გ. კარბელაშვილი, 2002** - გ. კარბელაშვილი, ტელი ქართველი მეხოტებინი — ქართული პოლიტიკური თეოლოგის თეოლოგიური მემკვიდრეობი (შასალები ქართული პოლიტიკური აზროვნების ისტორიისათვის), ლიტერატურული ჯუბილე, #24, სახ., 2002.
- კ. კეკელიძე, 1957** - კ. კეკელიძე, ეტიუდები ძველი ქართული ლიტერატურის ისტორიიდან, IV. თბ., 1957.
- ივ. ლოლაშვილი, 1957** - ძველი ქართველი მეხოტები, თბ., 1957 წ.; წიგნი მეორე, თბ., 1964.
- ივ. ლოლაშვილი, 1969** - კვლავ აბდულმესიანის პერსონაჟთა ვინაობისათვის, წიგნში: ქართული ფოლკლორი, III. თბ., 1969.
- ნ. მარი, 1902** - ნ. მარი, ძველი ქართველი მეხოტებენი, სანკტ-პეტერბურგი, 1902.
- ნ. მარი, 1935** - ნ. მარი, ცდანი ძველ ქართულ მწერლობაზე, I. ჩახრუხაძის ლექსები, ლიტერატურული მემკვიდრეობა, წიგნი I. თბ., 1935.
- გ. როდონაია, 1982** - გ. როდონაია, ბოლოსიტყვა, ქართული მწერლობა, 3. თბ., 1988.
- რ. სირაძე, 1982** - რ. სირაძე, სახისტესტყველება, თბ., 1982.
- ფ. ფანჩულიძე, 2003** - ფ. ფანჩულიძე, სახოტბო პოეზია (ოდის უანრი) XVII-XVIII სს. ქართულ მწერლობაში, ვეტორეფერატი, ფილ. მეცნ. კანდიდატის სამეცნ. ხარისხის შოსაბორებლად, თბ., 2003.

- ქლი, 1996 - ქართული ლიტერატურის ისტორია, ტ. 2, თბ., 1996.
- გ. ჯანაშვილი, 1981 - გ. ჯანაშვილი, მეათე საუკუნის საგანძურო, თბ., 1891.
- ნ. გიშეკარიანი, 1980 - ნ. გიშეკარიანი, ქართული და სპარსულენოვანი აზერბაიჯანული სახოტბო პოეზია XII საუკუნისა, ავტორეფერატი, ფილ. მეცნ. კანდ—ის სამეცნიერო ხარისხის მოსაბოვებლად, თბ., 1980 წ.(რუს.ენაზე).
- ი. ჭავჭავაძე - ჭავჭავაძე ი., თხზულებანი, ტ. IV, თბ., 1985.

OMAR GVETADZE

ON THE POETICS OF THE ANCIENT GEORGIAN EULOGIST AUTHORS

Owing to its ideas and artistic qualities and purposes panegyric-court poetry assumes a very special importance in the ancient Georgian literature. "Tamariani" by Chakhrukhadze and "Abdulmessiani" by Ioane Shavteli are the two outstanding monuments of this kind composed in the twelfth century.

Since the 13th century and the periods that followed, together with the gradual decline of the royal authority, the genre partly lost its actuality. However, this genre of the secular poetry revives to a certain degree during the renaissance period. Georgian praise-court poetry has its roots in the preceding literary traditions. It has more or less similar structure as of the religious hymns.

There are instances of the eulogist poetry that are created in the different social, political and cultural environment, with a considerable epochal distances, and from the modern view it is quite possible that much of the artificial and aesthetic raiment and the content of the works appear ambiguous. In the fireworks of poetic means like: hyperbolized comparisons, similes, metaphors, homonyms, and *majamas*. (i.e. rich rhymes, two or more different words that happen to sound the same), applied in the odes - the real image of the personage and the spiritual world of protagonists of the lyrics has often rendered indiscernible.

In "Tamariani" the author strives to work miracles and talk about the Queen Tamar as about the God and at the same time put forward Georgian state's messianic aspirations. In order to create external effects eulogists often deliberately break grammar rules, quote other literary sources, make use of the Biblical allusions, and of the ancient Greek and Latin works and of the Persian poetry. The peculiarities of the poetics of works written by Georgian eulogists become clear when compared them to their contemporary Persian poetry. The moments of literary similarity and of differences underline the reality that the Georgian eulogist poetry evolved through its original path imprinted with the national Georgian consciousness, the brightest examples of which are "Tamariani" and "Abdulmessiani".